

58625

地 170,201

36

21-2.

2000

1

石泉縣志

道光己酉年新刊

石泉縣志

板藏運甃下惟火圃

石泉縣誌序

興郡南與楚蜀接壤其北接省垣西接漢中則石泉其孔道也邑舊有誌自嘉慶初年教匪蹂躪平定之後文憲消磨余赴任抵石境之銀杏壩行館邑令舒公魯一以新纂誌稿兩卷示余且囑爲序予於肩輿中盡一日之力披閱數遍乃知魯一之畱心吏治無負厥職其前之著名省會爲善讞獄者爲不虛也古人云治公事當如治家事家事不知家何以齊故善治邑者必畱心於邑誌况邑久無誌則此舉其可已乎誌分四卷其事詳而文覈與康對山之武功志足相頡頏而人物門之揚微闡幽事宜門之因時

石泉縣志

卷之一序

制宜則尤關政事之大者魯一以好惡同民爲志其所志推而廣之可以治國可以平天下矣豈獨一邑而已哉道光二十九年歲次己酉九月立冬後二日署興安府事

閩中劉建韶序

石泉縣志序

石泉古邑也而志乘闕如明志燬於兵燹無由得覽惟

國朝康熙時邑人張峻蹟所修僅存抄本亥豕魯魚訛以傳

訛迄今又百餘年矣何文獻之無徵也鈞於戊申承乏斯

邑當時接辦城工日昃不遑旣蒞事爰謀是舉而舊志又

以疎訛頗多難於依據乃取府志而搜輯之且採之紳耆

所傳參之史氏所載八閱月而咸地理紀其大者建置紀

其要者祠祀紀其正者田賦核實而物產昭焉戶口分鄉

而保甲寓焉循良濟濟著於官師企前賢也科第寥寥存

其選舉厲後進也人物就地而論亦有不可沒者其例悉

石泉縣志

卷之一序

遵府志藝文無多因仿武功志隨事載入至史事節錄事

宜附錄其非志例之謂謂夫覽山川之險夷建置之廢興

以及賦役之多寡稅課之因革人心風俗之貞淫莫不因

時易宜以爲政治之本傳曰民之所好好之民之所惡惡

之未有不好治而惡亂者未有不好善而惡惡者今治亂

詳於史事善惡著於事宜不更爲政治之一助乎是志也

亦惟志其所志而已矣若夫潤色裁成以俟後之君子是

爲序

道光二十九年歲次己酉秋九月重陽前一日知石泉縣

事成紀舒鈞魯一氏識於退思補過之軒

石泉縣志總目錄

卷一

疆域全圖

城圖

地理志第一

建置志第二

祠祀志第三

卷二

田賦志第四

戶口志第五

石泉縣志

目錄

官師志第六

卷三

選舉志第七

人物志第八

卷四

史事節錄

事宜附錄

石泉縣志

疆域全圖


石泉縣志

卷之一

疆輿圖




城




石泉縣志

卷之二

疆輿圖



圖



城圖

石泉縣志

卷之一

疆域路程

縣治在興安府西北東至草溝界漢陰廳高粱舖六十里
 南至麥子坪界西鄉箋角場八十里西至饒風界西鄉良
 心河七十里北至銀杏壩界寧陝獅子壩九十里至府陸
 程二百七十里水程五百六十里至省由漢中大路二
 程一百三十里由寧陝至省六百二十里即子午峪路

石泉縣志

知縣舒 鈞重輯

地理志第一

夫石泉古庸人之國也地濱漢水在周之南周室東遷楚滅庸至於石溪遂兼其地秦列天下爲郡縣爲漢中郡地漢爲安陽縣地蜀漢時爲西城郡地晉置爲晉昌郡治長樂新興吉陽東關三縣隸焉宋省郡改爲長樂縣屬魏興郡齊改爲安樂縣梁復立爲晉昌郡西魏改郡曰魏昌縣曰石泉又析置魏寧縣周武成三年魏昌郡移理東陽川仍併所領諸縣爲永樂一縣復改名石泉保定三年廢魏石泉縣志

卷之一

地理志

一

昌郡移石泉縣理郡城卽今治也隋屬西城郡唐武后聖歷元年改爲武安神龍元年復故名大歷六年省入漢陰永貞元年復置五代及宋仍唐舊隸金州元改爲巡檢司明洪武三年置縣屬四川大寧州五年復屬金州十年以漢陰省入石泉後復置漢陰縣嘉靖二十八年改隸漢中府萬歷二十四年仍屬興安州 本朝因之屬興安府乾隆五十年分五郎關置寧陝廳火帝嶺以北屬焉縣廣一百三十里袤一百七十里東界漢陰南界西鄉西鄉北界寧陝東北東南俱界漢陰西北界寧陝西南界西鄉舊志云石泉當秦楚之交在井鬼之分翼之一度柳之二

度建縣之地亥龍入首南帶漢水北枕雲岡東有遲河紅河西有繪溪左溪蓋古形勝之國秦楚之要津也治凡八里里名見戶口志

舊志所載山川統寧陝之界在內茲不載載其今有者

石泉在城南江岸鑿石爲泉其水清冽縣因以得名或云卽古石溪也

漢水從西鄉之茶溪鎮入縣西南界左溪河南流注之繪

溪河北流注之又東經白虎石在城西南饒風河會大壩河珍

珠河東流入焉又東經青龍石在城東南紅河南流入之又東

經蓮花石遲河西流入之折而南流大小柳溪水東流注

石泉縣志卷之一地理志二

之又東至漢陽坪入漢陰界舊志漢江晚渡爲八景之一

按漢水從茶溪鎮入縣境至漢陽坪出境計水程一百

三十餘里兩山夾流其石甕有二處一在蓮花石一在

梅湖雙峯對峙中流僅通舟楫近因山中開墾旣遍每

當夏秋漲發之際洪濤巨浪甚於往日下流壅塞則上

游泛濫沿江居民沈竈產蛙亦其常矣道光二年八月

大雨彌旬石甕爲木筏橫梗水洩不及涵湧澎湃而大

壩饒風珍珠河之水障於城西紅河之水障於城東諸

水混一茫無際涯數十里皆成澤國城亦崩陷傾圮東

西關房屋且漂沒無存爲從來未有之災或以爲起蛟

見龍蓋附會之說也

仙鶴崖在縣南二里漢江南岸相傳昔有雙白鶴集此因名

十八盤山在縣南五里盤曲十八折乃達其巔

銀屏山在縣南八里奇峯突兀高出雲表有銀礦明萬歷間遣內使開採旋以百姓不便禁閉今名銀洞山舊志銀屏秋月爲八景之一

關頭山在縣西二里山勢雄壯上多草坡農人以爲牧廠舊志關頭牧笛爲八景之一

枯柳洞卽紅崖洞在縣西五里高二丈有奇曲折三梯緣石泉縣志

卷之一

地理志

三

梯而上煙壑窈窕雲氣縈帶薜磴濺瀑篁卉翳蔚洞中石臺石爐石籩豆杯學之類皆出天成洞前水由千畝風景殊佳明有胡載道者河南進士官四川監軍道過石嘆曰此真仙境也遂棄官寓於此洞煉丹沙之術丹成尸解去二郎洞在縣西八里洞傍石上俗傳有觀音手膝印迹

古源洞在縣西十里南山之麓有大石方圓數畝上建廟宇前有石澗一道灌田者引饒風河水從此過每河水漲發以一石塞口水不能冲亦泥不能淤真天成之堰也卽仁崖鐫古源洞口四大字字跡最古亦無年月可考

金鈴崖在古源洞北山麓危石上建魁星樓四角懸鈴卽

明邨叅議認父處叅議之父元末避亂逃山中其母撫之成進士赴官過石驛夫中其父與焉母識之亦奇遇也至舊志載夢神錫金鈴事則涉於荒誕矣

堰頭山在縣東南五里漢江南岸其下為淹灘其堰為長安堰

石磨溝在縣東南十五里漢江南岸冬月漁人作梁其間列椿如柱鳴榔擊汰欵乃互答舊志石磨漁梁為八景之一

霹靂峯在縣西三十里一峯插天饒風河繞其下舊志霹靂神峯為八景之一錄詩十一首

石泉縣志 卷之一 地理志 四

登霹靂峯

明巡按 傅振商

捫蘿登霹靂天柱引蜉蝣蛟室圍瑤草龍沙走石頭風煙開白日冠蓋列丹邱他日重經馬山川總舊遊

霹靂峯十絕

明巡按 孫 曠

誰削天關石柱成仍教霹靂定峯名含風迴日孤容靜時聽輕雷落澗聲

石峯千仞插雲霄縹緲仙宮日月標萬里長風動松桂清傳碧玉洞中簫

峻壁巖窈玉殿孤半空蒼翠即蓬壺等閒不許一塵到蘿月松風任有無

流水高山元氣分雷轟石拆此傳聞我來春日觀靈境芝
草松花抱五雲

孤嶂春煙翠欲重元天金殿坐芙蓉朱簷風起愁旌旒繡
拱雲飛動赤龍

玉台積翠在中天雲日暉暉武廟前立馬東風嘆竒絕數
家松火隔流泉

碧亭高構白雲岫盤石垂蘿仄徑孤欲借休休題名榜澗
譏巖誚愧塵途

翠削芙蓉簇碧空行雲行雨自元宮百花香裏經過處別
有乾坤入望中

石泉縣志

卷之一

地理志

五

石淙聲徹紫霞峯沙色波光走黑龍峯頂元關原瑞氣錯
教指點蜃樓逢

隔溪花徑繞天臺香霧祥嵐向日開何事紅塵拂客面風
縹不入亂雲堆

天池山在縣西四十里山上有池大可三四畝內產紅白
二蓮若開並蒂則邑有祥瑞舊志天池瑞蓮爲八景之一
煙波洞在縣西南六十五里漢水之濱峻壁懸崖其下爲
洞深不可測中有靈湫旱禱輒應相傳燃薪洞中其煙透
於天池山下小洞舊志煙波靈洞爲八景之一
父子嶺在縣西南六十里一名孝子嶺

饒風嶺在縣西七十里昔有關置此上建宋將軍吳玠碑
又有楊從義射虎石嶺南枕漢江與西鄉接界險峻倚天
石徑盤紆爲秦楚蜀往來必由之路宋金爭戰此爲雄關
道光十二年爲水所冲路遂廢改從西鄉之茶溪鎮舊志
饒峯古壘爲八景之一錄詩一首

饒風嶺

孫曠

雄關西峙衛山城頭枕漢江正練明想見黃柑遺敵處松
風猶作戰呼聲

祖溪關卽展龍堦在饒風嶺北四十里宋吳玠小校奔金
導以間路攻饒風關卽由此進

石泉縣志

卷之一

地理志

六

仙女洞有二一在縣西百里山林深邃人跡罕及中有池
方畝許一在縣北七十里香爐溝崖上一石當門怪若龍
頭洞中有蓮花石盆禱雨輒應

鷹嘴崖在縣西南五十里

雲霧山在縣西北六十里上有佛殿佛座下有泉雲霧四
時不散有石洞供鬼谷子像或云爲修煉處或云爲遊歷
處洞不甚高而深不可測歲旱祈禱投石於中卽有風從
洞出風止卽雨相傳山上有一鐵棺時隱時現又有一鷄
鳴處其田朝種晚收蓋皆無稽之談然其山高出衆山之
上實爲一縣主山俗於九月初一至初十日遠近燒香絡

繹不絕語言嫚褻輒獲咎譴其靈異殆與邢之太白相侔矣山下之水爲斜峪河

五攢山在縣北五十里山有五峯相聚一名五全山紅河之源出焉

青碛在縣南六十里爲山南一帶入縣總道

魚洞在縣南山下深不可測每年穀雨洞中有魚簇擁而出

黃石山在縣南百里有藥王廟

香栢崖在縣東南八十里漢水之南懸崖峭壁人不能到風落乾枝檢而蕪之其香勝於沈檀

石泉縣志

卷之一

地理志

七

馬嶺在縣東三十五里路徑崎嶇紆迴盤繞有九里十八灣行人如在天際杜詩云路危行木杪身遠宿雲端真有此種景况

楊家山在縣西北一百二十里乾隆初林木漸開有洞居數人像貌蒼古皆百餘歲言明季避亂至此衣鳥獸之皮食草木之實不問世爲何世蓋將百年矣後莫知其所終

雨花山在縣北七十里其水爲湘子河

空洞山在縣東北四十里昔牧人覓牛入洞盡日而返莫知其極

火帝嶺在縣北八十里通子午谷爲入省捷徑

黃龍洞在縣西九十里深十丈有奇相傳昔有黃龍起於其中

青龍洞在縣西北一百里深十餘丈唐太宗十六年金州言青龍見相傳起於此洞洞口隈隩僅容一人行數武漸潤石窗明淨中有清泉深不可測天旱禱雨卽應邑令莊成鼎立祠祀之

插鼓臺在縣西一百三十里山峰秀峙雲樹叢龍夜半時聞插鼓之聲俗訛爲滾鼓臺舊志附會劉封事殊爲無稽不足錄也

青草關在縣西北一百二十里兩峯環抱雙水交流石磴

石泉縣志

卷之一

地理志

八

絕壁迥出雲霄川陝諸路之鎖鑰也道中有古井相傳爲秦時所掘

按地輿紀勝石泉有真山今此山無考而水經注有直谷縣境亦有直水則真山疑卽直山之訛也

饒風河源出饒風嶺之毛家河合蒲溪峇家河諸水逕饒風塘從西而來穿古源洞會大壩河珍珠河於關頭山下入漢其堰爲興仁堰

大壩河源出雲霧山之西衆泉湧出流三十餘里聚於龍洞溝又東南流二十餘里合火帝嶺之紙房溝水至銀杏壩爲大壩河又逕銅阡峽流六十餘里會饒風河南流入

漢其堰爲高田堰

珍珠河源出雲霧山之馬蝗嶺南流至縣西會饒風河太壩河入漢其堰爲七里堰

遲河卽直水源出寧陝廳之腰竹嶺逕鎮安縣界流入迎風溝爲上遲河又南流爲中遲河又東南流爲前遲河又折而西流至蓮花石入漢縣境諸水漢江而外惟此水來源最遠見於水經注其谷爲直谷以筒車引水資灌溉焉今訛爲池河

筒車之制以竹二丈四尺者二十四根中橫木軸以竹爲輻分軸兩肩穿入而交其末爲輪狀每二竹末縛一

石泉縣志

卷之一

地理志

九

竹筒每筒後加一竹芭乃豎木安此車於渠上引水急流下邊插入水面水激竹芭則車自轉動上邊筒旁高架木槽接水入田間每一車灌田一頃不煩人力可奪天巧近有以木爲之者雖較竹堅好然不如竹之省約蓮花石在縣東三十里漢江岸上石色碧綠簇擁而出於水中千奇萬狀有類削成卽鳳凰山之起處鳳凰爲漢陰名山綿亘三百餘里安康爲尾此其頭也

龍湫在縣南五十里漢水南岸其深莫測旱禱有應

附考寰宇記梁武帝立晉昌郡治王水口九域志玉水在縣西通志云今此水無考按城西卽大壩饒風珍珠

三河入漢之處亦名三河口今治城爲晉昌郡舊治三河口或卽干水口抑王字爲三字之訛歟

直城故址在池河堡縣東五十里城築直谷口其遺址尙有存者

按五代史安康縣蕭嘗時改直州因直城爲名通志云故城在今漢陰縣西當卽此而水經注謂漢水合直水東逕直城南又東逕漢陽濩口今直水逕直城而西十里始與漢合水經所指或是魏寧故城又東爲漢陽坪矣

魏寧城故址在梅湖街縣東南九十里其地爲入川要津

石泉縣志

卷之一

地理志

十

古漢陰縣在石泉嘴縣東南一百二十里漢水之南

按宋史紹興二年漢陰縣遷治新店漢陰志亦云舊治在今石泉界宋皇祐四年沒於漢水此其遺址也

風俗舊志云石泉土著寥寥四方商旅聚而成族其間冠婚喪祭之儀歲時伏臘之習各不相同互相擲掄矣以今觀之有不然者其始雖或殊俗而生長於茲旣歷數紀習尙口音亦與關中相仿大約樸畧無文男尙耕作女勤織紡又不事逐末猶有古處遺風此則風俗之不闢而同者亦以見書車一統二百餘年承平之盛焉

按石泉之稱上庸由來舊矣而於此地無考漢建安二

十年張魯降魏魏分漢中之安陽西城爲西城郡置太守分錫縣上庸郡置都尉二十四年蜀遣劉封孟達取上庸其後蜀魏相爭或置或廢不一其處故湖北之鄖西竹山房縣與石泉俱稱上庸今據史所載魏上庸郡當在湖北而石泉之稱上庸或蜀於孟達降魏後僑治於此耳姑存其說以俟博雅君子

建置志第二

城池通志云石泉依山阻水舊無城池明成化十七年知縣張翔築東北城覆以甃石正德四年副使來天球合四面築城周三里以禦蜀寇十三年知縣盧綉復加完繕此石泉建城之始也然城臨漢濱漲發之時四圍皆水以故尋築尋圯萬曆時知縣杜珏重修乃以石爲基以磚爲墉堞門四建樓各三層

國朝定鼎崇化依然乾隆三十七年知縣李照遠始改修北門爲炮臺而城於是止有東西南三門矣嘉慶初川楚之亂石設糧臺朱适然李樞煥各領公項補修其後漸次

石泉縣志

卷之一

建置志

三

頽廢道光二年邑大水城垣傾圮崩塌二十四年知縣慕維城勸捐重修二十八年知縣舒鈞完工城圍二里二百五十二步

南門迤東水冲舊址二丈有餘故今城不足三里

高一丈五尺門三皆

如舊新設小南門一東門上建魁星樓三層南北西各建樓一層城通身皆石石上以灰土合築外加甃堞江邊石堤二道底挖掘至實際下石丈餘高復丈餘計共長三百一十二丈

按城建於高阜之上堤在南城下俱以石修女牆以甃修工糜累萬爲民商所捐辦始於甲辰成於戊申月日皆吉其紳士有貢生陳亮采任鼎舉人彭齡職員邱啓

文朱啓圓鄔英鈺劉國璽余天肇邱本孝皆始終其事
考故附錄之

縣署在城內正中北抵城西抵典史廳東抵書院明洪武
六年建 本朝康熙五十三年燬於火漸次修理大門三
楹儀門三楹大堂二堂三堂各三楹

典史廳在縣署儀門之西其前爲囿園

按邑明有主簿後改饒風巡檢司故廳稱三衙今稱廳猶如故

儒學在文廟之西明洪武四年始設教諭後改訓導原額
入學八名廩增各二十名兩年一貢乾隆四十七年興安
改府撥學一廩增各二安康三五十年又撥寧陝學一於

石泉縣志

建置志

三

是縣學六名廩增各十五名矣遂不足額武亦同

汎廳在東門內道光二十九年經制王清輝重修

書院在縣治東卽察院地乾隆時改修石城書院今爲銀
屏書院

常平倉在縣署東貯京斗稻穀二萬石

社倉在西門內雍正七年岳鍾奇奏設以耗羨徵存應減
之銀買穀分社耗羨向加二徵收雍正五年減石泉原設四處一在縣城

一在池河一在柳溪一在饒風共貯京斗稻穀七千五百
石嘉慶初倉被賊焚民欠糧悉經豁免道光二十六年買
補三千石復立社倉而分貯十六鄉矣

義倉在縣署西道光二十四年置貯京斗稻穀一千石前興安府白名維清請於大憲撥省垣廣備倉之項爲興屬置義倉石泉之有義倉自此始

養濟院在城西嘉慶元年典史范繼昌倡修西厦房三間七年知縣李樞煥捐修東厦房三間道光二十八年典史倪柱勸捐重修

義學一在前池河文昌宮嘉慶年歲貢張振先庠生李煜倡捐建設一在鳳陽臺集義書院道光二十八年江耀先方致誠等倡捐建設知縣舒鈞示立條規且爲之記

學以義名義舉也在通都大邑可不必設何者人知讀書

石泉縣志

卷之一

建置志

十四

也在窮鄉僻壤不可不設何者人不知讀書也卽間有欲知讀書之人而無力延師又不能讀書於是一村之中目不識丁者十人而九字且不識又焉知孝弟廉讓爲何事聖經賢傳爲何語耶不知孝弟廉讓爲何事於是穰鋤德色同室操戈器競成風鄉鄰有鬪甚且釀爲悖逆矣不知聖經賢傳爲何語於是習於鄙俚不堪之言肆夫荒誕無稽之說甚且流於邪教矣此民興由於經正而君子所貴反經也石邑僻介萬山鳳陽臺地方尤在石邑之山中延師讀書較他處爲更難前蒙大憲諭各處設立義學卽有善士江耀先方致誠等聞風興起各捐資若干營放生息

越十餘年積資若干續捐資若干至道光二十八年乃建學舍延師儒設經館一蒙館一名之日集義於是欲讀書而無力者皆忻忻然使其子弟來學矣夫聖經賢傳之語無非孝弟廉讓之事上者讀書固好下者識字亦佳童而習之知孝弟二字必不至不孝不弟知廉讓二字必不至不廉不讓卽學徒之若父若兄日與蒙師相親或豆棚秋話或茅雨夜談得聞聖賢言語不更足潛移默化乎況夫十室之邑必有忠信子弟之佳者從此而登科及第蔚然爲國家菁莪棫樸之材父兄有榮施焉鄉里亦與有榮施焉是則余之所厚望也爰列條規於後

一館師宜慎也經館之師選擇須嚴該首士畱心採訪無論本地舉貢生員及外來紳士必擇立品端方學有根柢者延之爲師至蒙館卽於附近生員儒士內慎選誠樸白好不與外事者該首士隨時稽查如虛糜修脯惰於督課或不安本分唆訟滋事卽另行延請

一延師宜定章程也義學開館均於開印前後擇吉入學十二月中旬旬散館脩金按月支送非過事苛刻也緣塾師不無更易一經透支則脩脯旣虧學將中廢不得不從長計議定以限制至設立義學原爲教訓子弟並非以館穀作人情地方官亦不得薦人主講惟每歲於開館之時須

稟明今歲經館延請某士蒙館延請某士以便稽查
一化誨宜廣也課詩課文須定有日期並令館師將存心
立品居家治事之道隨時指點切加勸戒至於童蒙則課
讀而外必訓以拜跪坐立之禮儀孝弟廉恥之大端每逢
朔望館師率領各徒以次序立拜謁至聖次拜館師次令
各徒交相拜揖畢將 聖諭廣訓明白講解令各學徒環
立聽講並許該耆老民人齊集聽講

一田租宜秉公經理也義學租田既經衆士捐入應聽首
士招佃取租不許原捐業主經手其佃戶卽與義學另具
租約填明田畝坐落坵數租斗數目如佃戶逞刁抗欠許

稟官究追至經理田租首士必須公舉正人不得私相授
受且每節後開列賬目卽在義學同衆人清算開銷若干
存餘若干倘秋成尙遠館師不能枵腹課讀該首士如有
墊送許於租內歸還但不得加息以杜侵蝕之漸
市集在縣方內者十而縣不論最大者前池河饒風銀杏
壩熨斗壩其餘油房坎三官廟迎風溝兩河梅湖新場舖
戶十數家而已

公館一在前池河一在銀杏壩俱道光二十四年地方公
置一在饒風嶺卽巡檢司舊署

官渡在西門外漢水之上卽西渡也

義渡在南門外漢水之上卽東渡也乾隆癸卯年商民捐設

池河渡在前池河里人造船設義渡且置地十餘畝在官橋壩令種地者輪流值日卽以所納租穀爲口食貢生賀能銘爲之記

高橋在城東石梯溝口以石爲之工堅固足垂久遠其東石礪路亦開鑿平廠皆道光初年邑紳士商民所捐辦

按舊志所載紅河橋池水橋珍珠水橋大壩橋永昌橋鄧家橋太平橋邊橋乾溪橋饒風嶺橋永安橋左溪橋今皆無存其諸水之上冬月徒杠處處有之亦不足誌

石泉縣志

卷之一

建置志

七

三臺寨在縣東一百里三臺山

香子寨在縣西三十里

遺羊寨在縣東一百里

按舊志所載僅此三寨今各鄉處處有之始設於嘉慶五年以後蓋其時賊勢之熾熾於到處裏人脇從日衆搶掠民食因糧於我也從堅壁清野之議行於是山中依險結寨平原亦挖壕作堡百姓探有賊信牲畜糧米皆收藏其中憑險拒守賊至無人可裹無糧可掠其勢遂衰卽間有攻圍而大兵尾追圍亦旋解洵爲良策其議建於龔景瀚事詳國史不備錄

祠祀志第三

文廟在縣署東舊廟燬於兵燹康熙十八年知縣潘瑞奇
創建

武廟在東門內康熙十九年知縣潘瑞奇重修

文昌閣在黌宮後閣高三丈有奇

名宦祠在學宮戟門東祀古今十人

鄉賢祠在學宮戟門西祀古今八人

忠孝祠在學宮櫺星門東

節義祠在學宮櫺星門西

城隍廟在黌宮之東

石泉縣志

卷之一

祠祀志

六

社稷壇在東門外先農壇之北

先農壇在社稷壇之南爲縣治巽方向無祠宇道光二十
九年城工旣竣事乃諭首士以所餘物料建高閣三楹享
殿三楹東西更衣亭各一座圍墻內外環植樹株蔚然爲
一縣之風景焉

風雲雷雨壇在西關

厲壇在城北

漢江龍神廟在南門內卽四王廟乾隆戊子年建其女像
神無考或以爲火神云

江西會館在城內供許真君乾隆癸卯年建

江南會館在城內供朱子乾隆壬寅年建

湖廣會館在城內供禹王及周子乾隆年建


武昌會館在西關供屈大夫乾隆年建

黃州會館在西關供張真人乾隆戊戌年建

河南會館在東門外供伏羲神農嘉慶年建

四川會館在城內供二郎神嘉慶年建

山陝會館在城北供關帝道光二十四年建



田賦志第四

田原額凡四百九十五頃七十七畝一釐三毫順治康熙之間節年豁免除荒僅熟地一百九十頃六十八畝七分三釐四毫視原額少三百五頃八畝二分七釐八毫乾隆五十年設寧遠廳又分撥一十一頃五十一畝二分七釐一毫實計一百七十九頃一十七畝四分六釐二毫

賦雍正五年以前未經以糧載丁名目紛繁茲不具論論今所賦者銀一千三百二十九兩二錢一分二釐四毫零耗羨銀一百九十九兩三錢八分二釐米五十九石六升三合一抄三撮一圭八粟五粒一顆一糶五粒屯更銀六石泉縣志

卷之二

田賦志

三

兩四錢四分一釐九毫零屯更米二石九斗六升五合

鹽課銀二百三十四兩五錢三分七釐二毫零引鹽向由

河東商運而番鹽川鹽民間亦就便買食嘉慶十五年興安守葉公世倬請課歸地丁鹽從民便遂增此賦此外尙有茶課銀二十五兩三錢二分九釐課程銀九兩零二分牙稅銀三兩八錢畜稅銀十兩五錢九分地稅銀十一兩五錢二分其俗以糧戶爲重廢業之時畱均條正銀數分不肯盡過與人以存糧戶及遷徙他適遂成逋賦矣

物產五穀不盡種水田種稻坡地種包穀麥豆則間種焉蔬菜亦嘉果品最多惟瓜不宜木宜松栢桐梓椿柳櫻櫨

桑柘冬青之類其專務而取利者漆爲最木耳次之竹桐
又次之藥稱菖蒲防已葛根細辛木通半夏防風柴胡桔
梗升麻茯苓牛膝龍膽草何首烏禽獸鷓鴣鴛鴦鴛鴦虎豹麋
鹿熊羆舊志有之今開墾旣遍亦不盡有漢水魚有數種
冬月魚船至載而售於通都土人不取也地東南產絲產
麻木棉處處皆宜賦役書棉花地三十四畝每畝科布六
尺以爲賦

按石邑產物寥寥穀食而外皆取資於他方故商富而
農貧農之利在包穀而害亦在包穀蓋包穀之爲物一
穗千粒不堪久貯經夏則飛爲蠱鄉間秋成方慶卽煮

石泉縣志

卷之二

田賦志

三

酒餉猪醉飽一時而俗亦遂敝

山內以包穀米蒸酒採
草藥作麴藥性最烈和

米蒸七日成酒名曰七日紅飲少輒
醉癩狂迷性故破產蕩家多出於酒一季歉收不惟貧

者無食卽富者亦無糧安康令陳僅所以有執藉集證

書勸民廣種而切曬收儲以備荒歉竊謂五穀皆耐於

久貯者不獨藉也向聞山南麥夜花余於暑後種數畦

其日落輕花與山外無異復種黍稷數畦亦類粟無異

豈得謂非土物所宜夫石邑水田十僅有二稻穀無多

高山隨便播種更難概論惟坡地須酌種麥豆黍稷耐

於久貯者不宜盡種包穀庶蓋藏可謀而備荒有恃記

曰三年耕必有一年之食九年耕必有三年之食以三

十年之逼雖有凶旱水溢民無菜色此農穀之宜爲遠慮也至足食之餘尚有納錢糧市鹽布慶弔人情之需俗向取給於包穀所喂之猪近因客販稀少而農人坐困蓋嘗計之安康爲府垣都會商賈輻輳無論已他如漢陰之米紫陽之茶平利之漆洵陽之龍鬚草皆專美利以濟農之不足石所利不如他邑而民間日費所需無異他邑將何以取給乎且夫植棉亦美利也棉性喜燥惡濕若平衍低窪之地水聚難洩根必受病葉雖茂不花花亦鮮實坡地則陽氣常濃水不停注根茂實蕃卽遇淫潦之年種無不收石固多坡地宜種也况棉之

爲物由彈而紡而織衣被無窮爲利最溥不但種植之家享其利卽鄰里之家亦得均沾其利邑兩河人多種之故較裕於他鄉在一鄉宜之各鄉斷無不宜之理亦斷無不利之理然則爲農計未有如廣興木棉之爲得計矣若夫因時制宜因地制宜凡有利於民而教以樹之藝之是在乎盡心民事者

戶口志第五

在城戶一千一百五十五戶男三千八百七十二名女一千九百四十三口保長二名鄉約四名保正三名編爲七甲甲各有長爲石泉里繪溪附焉

繪溪戶四百五十三戶男一千八百八名女一千三百五十一口保長二名鄉約二名保正一名編爲四甲甲各有長在縣城之西

前柳溪戶三百九十五戶男一千二百六名女八百五十一口保長二名鄉約一名保正一名編爲三甲甲各有長在縣城之南爲懷柔里後柳溪附焉

石泉縣志

卷之二

戶口志

三

後柳溪戶八百一十三戶男二千九百五十一名女一千七百二十九口保長二名鄉約四名保正三名編爲七甲甲各有長在縣城之東南

馬嶺戶八百八十八戶男三千二百三十三名女二千一百三十二口保長二名鄉約三名保正一名編爲十甲甲各有長在縣城之東爲興化里前池河附焉

前池河戶八百八十二戶男三千二百九名女二千一百九十一口保長二名鄉約一名保正一名編爲十甲甲各有長在縣城之東

中池河戶六百一十七戶男二千二百一十六名女一千

五百四十九口保長二名鄉約二名保正二名編爲六甲
甲各有長在縣城之東北爲太平里後池河附焉

後池河戶一千二百五十九戶男四千一百四十九名女
二千七百一十口保長二名鄉約五名保正四名編爲十
六甲甲各有長在縣城之北

前雙嶂戶七百八十四戶男三千五百五十五名女二千二
百六十四口保長二名鄉約一名保正三名編爲十四甲
甲各有長在縣城之西北爲附德里後雙嶂附焉

後雙嶂戶九百七十戶男三千九百四十名女三千五百
三十一口保長二名鄉約四名保正四名編爲十四甲甲

石泉縣志

卷之二

戶口志

三

各有長在縣城之西北

饒峯戶八百一十八戶男二千九百九十一名女一千八
百九口保長二名鄉約五名保正二名編爲九甲甲各有
長在縣城之西爲饒峯里兩河附焉

兩河戶七百五十五戶男二千九百九十二名女一千九百三
十三口保長二名鄉約四名保正二名編爲八甲甲各有
長在縣城之西

梅湖戶四百一十三戶男一千七百五十五名女一千三
百二十二口保長二名鄉約一名保正一名編爲六甲甲
各有長在縣城之東南爲安順里鳳陽臺附焉

鳳陽臺戶六百七十三戶男二千四百一十六名女一千七百二十七口保長二名鄉約三名保正三名編爲七甲甲各有長在縣城之東南

麥子坪戶三百一戶男一千三百一十八名女九百九十口保長二名鄉約二名保正二名編爲二甲甲各有長在縣城之南爲咸寧里熨斗壩附焉

熨斗壩戶五百三十一戶男二千八百四十五名女一千五百七十口保長二名鄉約一名保正一名編爲八甲甲各有長在縣城之南

通計戶一萬一千六百五十七戶口七萬四千一百三口

石泉縣志

卷之二

戶口志

三

視乾隆五十二年戶增六千三百五十二戶口增四萬四千三百九口視康熙二十一年戶增一萬一千一百戶口增七萬二千五百口視明之季年戶增一千一百五十七戶口增三萬一千一百三口

按雍州之民三男二女以今戶口男女計之與職方所載相同蓋猶是三代之民也夫石邑地當衝途鼎革之際七遭兵燹僅存七百餘戶我

朝休養生息至乾隆初年生齒漸蕃三十七八年間川楚歉收窮民就食來陝棲谷依巖開墾度日而河南江西安徽等處貧民亦復攜帶家室源源而來於是戶口驟

增數倍迄今安居樂業悉爲土著矣然屋宇星散多單

丁獨戶之家且與川爲鄰畿匪咽匪時來擾害此嚴行

保甲所以爲南山第一要務

前本府徐名棟輯有保甲書諭各屬力行余於戊申

泄在親詣編查申以守望之義

至舊志所稱土瘠民貧竊謂不然古人

擇瘠土而居勞而教之民可使富况山內之田種則一

歲再收謂之土瘠可乎所以然者貨棄於地而不知取

奢華相尙而不知節俯仰無資稱貸者繩繩不絕雖欲

不貧不可得矣而恒產之廢於好博好訟者又不必論

書曰旣富方穀又曰惟土物愛厥心臧蓋人人能有恒

產斯放肆邪恥之習泯而孝弟廉讓之心生保富安良

教卽寓乎其中此則司牧者之責也

官師志第六

石泉在元設巡檢司官斯土者無考唐有邊頡爲石泉令見宋史邊珣傳又有宋波見聞奇錄宋有王安見紹興二年勅封鳳凰山神紀事碑碑存漢陰其題名云承奉郎知石泉縣兼管勸農營田公事王安記於明得知縣十五人焉

譚衍四川舉人洪武四年任時邑民旣出湯火始立縣衍招集流移勸課農桑廉明愷悌百姓倚爲慈母任滿當陞去臥轍攀留大吏請於朝復任三載後遂卜居而家於石焉入祀名宦

石泉縣志

卷之二

官師志

三

張翔舊志未載見於通志石邑舊無城以漢水爲池依爲險要其東北爲阜成化十七年翔因勢斬築覆以甃石實爲石泉建城之始

盧繡舊志未載見於通志正德十三年因城垣多圯繡復加完繕周三里高一丈五尺池深一丈門四

蔣允祥舊志未載見於草溝界石碑蓋石泉曾省入漢陰漢陰亦省入石泉犬牙相錯殊無定址至是而各立界石此疆彼界矣時則嘉靖十二年也

杜珏直隸舉人果敢任事見城爲土垣屢圯歎曰此豈可以爲保障乎請於臺司捐俸鳩工乃始以石爲城堞高一

丈五尺下石上甃四門建樓各三層時石尚隸漢中府工
成報薦道府泛舟至集讌於南城樓各賦詩亦盛事也珏
入祀名宦

牛問仁山東濟寧舉人

曾選湖廣桂陽舉人治多善狀吏畏民懷考滿奏最陞大
理評事入祀名宦

楊文會河南禹州舉人

羅佶湖廣巴陵貢生治多善政創修邑志臺司嘉其有史
才陞山西代州牧入祀名宦

孟養氣直隸棗強貢生性剛介因忤當道左遷

石泉縣志

卷之二

官師志

三

王體豫山西太平舉人性嚴峻吏民畏之

王臯門山東黃縣舉人坦懷待物下士愛民因時亂回里
郭翰民山西榆次舉人

馬化龍江南武進貢生

王克昌直隸深澤舉人

國朝有郭一儒者湖廣安化人以拔貢任崇正季年流賊盤
踞紫陽時來擄掠城數破居民或匿山谷或伏舟內一儒
詢其故嘆曰官不以城爲守而先去以爲民望是棄民也
乃招集流亡修城浚池起炮臺築女牆傳餐而食日不暇
給賊至不能攻邑民賴之凡五年順治二年定陝西一儒

奏最擢河南光州知州歷陞湖南長沙兵備道

陳譜直隸欒城貢生

張鳳翼直隸安肅拔貢

蘇騰鳳直隸寧津進士甫任三月辭官去

張正寰山西曲沃拔貢

劉之楨湖廣黃安舉人

岳萬齡山西洪桐拔貢

涂之堯福建閩縣舉人時經兵燹之餘城市蕭條之堯勤
慎任職涖石一載百廢俱興公餘賦詩復見太平景象矣
蓋在康熙十八年後也附錄三首

石泉縣志

卷之二

官師志

五

漢江坐月

和張徵士韻

暑退涼生風力柔沙平月白坐江頭秦山故向尊前起漢
水如歸天上流竹簟受光傾北斗柳條移影入西樓江城
夜靜無征戰漁火灘聲喚客遊

縣堂春草

撫几南山對白雲陰晴衆嶺未曾分漢江水長消春雪楚
澤帆來帶夕曛三里城垣環虎豹數家煙火傍榆枌年年
客裏看青草今日鄰居又鹿羣

寮竹寺

木落溪乾蕭寺行空山萬里盡秋聲三巴日暮峯巒疊六

詔雲深羽檄橫蔓草有心封去路小民無意入荒城何堪
此地猶供應滇蜀連年未罷兵

劉文龍江西臨川舉人舊志稱寬和焉

胡鼎生湖廣景陵進士舊志稱其弱冠登第慈祥近人云
譚良泰廣東富明舉人舊志稱長厚焉

潘瑞奇廣東番禺人以保舉任城關廟宇燬於兵火者多
爲建修其修縣志序云邑自明崇正丙子以後五十二年
間七經寇陷所存者寥寥數百餘家人物山川非其舊矣
奇承乏九載舊志灰於秦火乃以所見質之所聞去荒殘
之色錄全盛之風則開元遺事猶當在人耳目間至於山
石泉縣志

卷之二

官師志

三

驕水激土瘠民窮生聚教養有非數年之功所能復其舊
者時康熙二十六年丁卯也

顧之珽浙江仁和舉人

賈焜康熙五十五年任見修城隍廟碑記

梁護直隸天津舉人雍正七年奉 勅建忠孝祠碑存文
廟櫺星門內今城隍廟祀有木主蓋良吏也

周乾江南青浦選貢建修石城書院及明倫堂亦良吏也
胡其慶直隸容城舉人

朱泌山東單縣進士

吳承伯雲南宣威舉人

彭岳眉山西人陞景州知州

顧馨江蘇元和選貢

德魁滿洲正白旗人

楊河柱乾隆四十七年任見修書院記

倪祥麟順天通州舉人乾隆三十四年任

李文第山西臨汾人乾隆三十五年任

顧聲雷江蘇元和進士乾隆三十六年任

單道臨直隸易州舉人乾隆三十六年任

李照遠江西吉水進士乾隆三十七年任邑城舊四門照

遠謂北門不合堪輿法且地僻何須門乃築爲炮臺城內

石泉縣志

卷之二

官師志

三

曲巷小路亦多改修語紳民曰從此安且吉矣郡志稱其
修城建倉治多善政云

李長茹山東安邱選貢乾隆三十八年任

莊成鼎福建侯官舉人乾隆四十年任嘗值歲旱步禱於

青龍洞雨隨至從者請避雨鼎曰爲雨而禱禱而始雨又

何避焉乃冒雨行郡志稱其寬厚廉靜實心愛民大類如

是嘗修縣西永安橋其記亦見於郡志

齊球福建侯官舉人乾隆時新戶方集開墾爭訟者多事

負緣球能潔已而於民事且勤凡勘地畝事必親履定疆

界吏胥不得售其奸故當時言爲民父母者無以加齊公

也其後卒於官百姓設主城隍廟尸而祝之矣
童雲松浙江蕭山人乾隆四十四年任棚民既眾五方雜
蹂訟獄繁興雲松嚴刑峻法鋤刁頑禁強暴邑人稱之
清 泰廂白旗蒙古舉人

李驥良山西平定舉人乾隆四十六年任

孟正笏湖北黃安舉人乾隆五十五年署去之日民爲脫
靴盖有循聲者

高藍珍福建人乾隆六十年署

朱适然甘肅寧夏舉人嘉慶元年任性質直而寡言軍需
之始邑設糧臺撥項修城或謂适然長者不能事适然弗

石泉縣志

卷之二

官師志

三

與辯大吏委之亦弗辭及歲事悉如式而羣言息适然亦
默無一言及之大吏曰此真長者也其後李樞煥亦領項
補修焉

李樞煥江西舉人嘉慶四年任時有探賊至梧桐溝者需
索地方不遂遂誣爲通賊武人欲倖功以剿襲爲請大吏
將許之樞煥稔其無他力爲保復遣賢員訪察而鄉民安
業如故也事遂寢樞煥常語人曰梧桐溝之寃尙易白耳
當賊匪盤踞山谷捉人魚肉大軍搜勦玉石不分間有從
賊中逃出奔回鄉里鄰家利其產業網縛送營更無可置
辯戎馬倉皇之際人命真草菅矣

臧振飛河南舉人嘉慶九年署

李 晶山西靈邱拔貢性剛介敢於任事當軍需初奉議於石泉設營安新兵晶力持不可稟凡數上乃已十一年五郎新兵反而晶時署寧陝廳事單身得脫草鞋謁於軍門大憲憐之令復回石任十二年制軍閱巡過境隨騎馬非百數十匹不可而石素瘠苦軍需久民益疲敝晶謁見瀝陳情形爲之流涕且請肩輿由陸路至漢陰餘皆乘船由水路至紫陽以息民力大憲曲從之亦不責供帳之簡陋而與張錫祺之遇異矣旋調渭南陞孝義同知

陳 澍浙江會稽舉人嘉慶十一年署時五郎新兵反破

石泉縣志

卷之二

官師志

三

洋城人情洶洶居民皆避匿山谷澍亦避八月興安鎮將王兆慶率兵來石楊芳亦至澍遂與協力守城賊至攻之不克圍二日而去

衛寧樸山西太平拔貢嘉慶十三年署火帝嶺之路爲其所修於是興屬進省多由之以出子午峪

劉天篤山西絳縣拔貢嘉慶十四年署

李輝揚四川南江附生嘉慶十八年廂匪滋事山南復震動輝揚乃補修城堞儲石練勇以爲守禦備異於十一年之倉皇失措矣邑人以是優之

曾泰壙江西舉人嘉慶二十二年任

方華欽浙江寧波舉人道光元年署

王 鵠湖北進士道光二年邑大水盧中丞巡閱過石見城圯議修知府向淮欲移北坡中丞親詣勘顧鵠以爲何如鵠曰北坡雖遠水患而敵人俯視城內盡在目前非地利也中丞以爲然鵠遇事敢言頗尙刑威刑杖以石灰水浸之受杖者無不潰爛

毛有信貴州進士性慈祥嘗出勸農携賞物以獎農夫之勤者民或訟則曰爾輩須憑天理良心勿相爭因書天理良心四字懸於二堂時道光三年癸未也

王履基江蘇鎮洋舉人道光四年署素負文名怡情詩酒石泉縣志 卷之二 官師志 三十四 然爲人長厚典史張玉堂輕侮之值祭祀拜毡平列履基呼价移典史亦移蓋鈺至典史仍如故鈺曰少安毋躁我非王雲門不能爭拜毡前後也

蓋 鈺山東進士性剛介道光五年任長於聽斷初補延長道憲嚴如煜知其才調石泉使辦城堤工鈺至相度形勢而難之適新疆逆回不靖檄赴軍營踰年復回任鈺前後三載喜張大炫耀至於禁暴安良不事姑息勸厲學校日親訓課諸生以故人人式歌且舞調大荔去之日攀轅遞道有赴省懇留者後升佛坪同知署漢中府知府郭熊飛山東維縣進士道光七年署書誓諭民分毫不取

每言石邑多良民非南山他邑比嚴刑峻法何爲乎蓋其
初有以是爲贈言者任略陽修城多善政歷陞直隸藩司
蔡鳳儀江西進士道光十年署

張錫祺貴州石阡舉人道光十一年制軍巡閱過石供帳
多簡陋錫祺爲從者所凌辱乃縱酒自恣因被議去職
孫兆蕙安徽人道光十二年署南山陰雨傷稼斗米千錢
人至相食時搶奪肆行有犯者雖一錢悉予重刑行旅賴
之

魏一德江西人道光十三年任

夏鴻時貴州麻哈舉人道光十六年與馬國翰對調去任

石泉縣志

卷之二

官師志

三

之日公費餘銀數十金交書院生息以資膏火人稱其廉
云

馬國翰山東歷城進士初任洛川與夏鴻時對調有石泉
雜咏詩三十首刻石署內後調涇陽陞隴州知州附錄六
首

南郭水爲門東陽舊有村泠泠泉幾眼一派漢江吞茶鎮
連西尾梅湖接漢頭水程百餘里來去送行舟水竦蓮花
石山圍麥子坪常年足魚穀沃壤甲金城三地喚池河都
緣直水訛源尋燒棧處古意感人多一矢殫雄魄八歌射
虎行藝文雖缺畧從義此垂名遺以黃柑子金人頽梓鋒

千秋吳統制戰績著饒峯

黎保泰四川舉人道光十七年署

孫玉麒福建浦城進士道光十八年任二十一年夏大旱設壇虔禱雲作風來雨師每爲返駕玉麒爲文以祭乃反風爲雨其文有云高原下隰焦土可憐後稷先種良苗盡槁念某等拊循有愧卽降之殃禍而何辭惟閭閻作息何辜令受此凶災而不忍邑人傳頌以爲誠心感昭如此在石五年以卓異調大荔陞寧羌州知州

慕維城甘肅鎮原進士道光二十三年任於是邑無城堤二十餘年矣議修者多難之維城至紳民相慶以爲侯名

石泉縣志

卷之二

官師志

三

如是必能爲保障而維城亦以是爲任踰年乃集紳士勸捐鳩工擇公正爲之經理不假胥吏故人人樂輸而事有成歷經四年之久積勞數病將完工而調蒲城百姓聞之不克維城語余曰以瘠苦之區而謀百年保障任怨任勞數載未遑尙望後賢之成此事也其惓惓如是

陳 映浙江人道光二十八年署

舒 鈞甘肅秦州舉人道光二十八年八月補授

典史

戴君璋浙江鄞縣人康熙年任其子孫遂家于石

王謨燭康熙五十五年任見修城隍廟記

譚 涵雍正年任

陳朝棟順天宛平人

李景會

洪 源

盛 烈

喻 晉

裘肇業

方崇文乾隆年任其事實無考然邑中稱賢佐者皆推崇
文云

范繼昌嘉慶元年任值軍需之際邑設糧臺繼昌頗能事
石泉縣志

卷之二

官制志

三

以軍功陞湖北竹溪縣知縣

鍾尙綱嘉慶七年任有志軍功領鄉勇遇賊於新塲鄉勇
多爲賊所殲而綱僅以身免

吳宇清嘉慶十五年任循分盡職不預他事工書畫在石
十餘年賢於二張遠矣

張玉堂

張 政浙江人

章文偉浙江人或稱其樸誠

倪 柱浙江湖州人善畫精明能事爲楊中丞所器派修
灞橋初補中部典史調咸寧道光二十三年復補石泉典

史邑堤城各工勸捐督催柱俱悉心贊理焉

訓導

陳虞夔南鄭縣舉人

張我興鄜州拔貢陞直隸霸州州判

周殿俊慶陽府歲貢陞湖北隨州州判

蘇必庭郿縣歲貢博學工詩

劉之斌綏德州歲貢

譚聖詣褒城縣歲貢

趙錫福三水縣人

高顛咸寧縣人

石泉縣志

卷之二

官師志

三

焦雲生邠州人

張聖言延安府人

馮俊甘肅舉人乾隆四十四年任勤於訓課諸生多所

成就

賈印生甘肅舉人乾隆四十八年任

何秉昭定邊縣歲貢乾隆五十五年任

孔文昭商州拔貢乾隆五十九年署

張卓選鄠縣歲貢乾隆五十九年任

白鳳儀洋縣歲貢嘉慶三年任

聶志烈甘肅安西州歲貢嘉慶十一年任

任鄒隆澄城舉人嘉慶十二年任馮俊之後鄒隆爲無愧
歟職焉

杜輝堂

董秉筠洛川縣舉人

李祖望華陰縣舉人

張輔辰韓城縣舉人道光十八年在二十五年保舉知縣
王元弼涇陽縣廩貢道光二十五年署

劉青藜甘肅鎮西府歲貢富平縣人道光二十六年任

選舉志第七

元白 圭至正中進士歷官禮部侍郎介然有守入祀鄉賢

明譚 綬天順癸卯科舉人官湖廣襄陽府知府

張 雄正德己卯科舉人官山西知縣

安汝翼嘉靖辛酉科舉人

辜良弼萬曆乙酉科舉人官四川綿竹縣知縣

魏人仰萬曆戊子科舉人官河南洛陽縣教諭

辜正煥崇正壬午科舉人官河南濟源縣知縣

貢李芳華官禮部郎中清介如寒素入祀鄉賢

石泉縣志

卷之三

選舉志

甲

和 貴字禮亭山西保德州州同官清如水居鄉方正入祀鄉賢

任 佩肅州教諭

任 侶

董 澄浙江桐廬縣丞

魏 研山東濟南府通判

袁介石山西翼城縣丞

盧 煌山東濟南府通判

田東野直隸邯鄲縣知縣

洪聯熙直隸玉田縣丞

王 信遼陽衛經歷

王 儒四川蓬州州判

辜大方官直隸高淳縣教諭陞四川榮經縣知縣慈祥和藹方正廉潔陞雅州知州未之任卒於榮經入祀名宦

辜大寶四川綿竹縣丞

任大仰由貢生入太學初任湖廣德安府通判陞山東兗州府同知博學多聞兼長治理德安兗州俱建生祠有文集行於世

魏 堦衡水縣知縣

魏人文爲邑望族生有至性父嚴厲文承歡無怠刻苦力

石泉縣志

卷之三

選舉志

三

學弱冠出貢因親老絕意仕進及父有疾籲天求代表不解帶晨夕依其傍卒之日哀毀骨立廬墓三年足爲之屈邑上狀各院道旌其門官文縣訓導

魏人望成縣訓導

魏 堪

薛明教四川榮經縣教諭

魏大中

魏卓立山東東平州學正

董三策四川保寧府訓導

魏爾孚山西聞喜縣丞

孟 侁

吳日省湖廣竹谿縣知縣
任大偉山陽訓導

孫 魯字確吾生而穎異家貧讀書其父傭工以給初任湖廣安陸府訓導歷官廣西永康知州遷長史陞廣西思明府知府懸車時年未五十崇正丙子流賊紫金川王李眾數萬圍城其子泣請曰事亟矣大人盍渡漢水以避之魯叱曰我雖非守土愛國顯秩義何可逃遂力倡守城議環甲執戈以督守士賊不能攻將捨去至夜城中逃者甚眾賊偵得之大呼曰人盡渡矣攻益力城遂陷魯遇賊力石泉縣志

卷之三

選舉志

四三

戰而死

國朝王錦元 恩賜乾隆乙卯舉人嘉慶丙辰進士翰林院檢討預千叟宴

張德驛嘉慶丁卯科舉人

王毓誠嘉慶庚午科舉人

汪遠昌道光己亥科舉人

彭 齡道光甲辰科舉人

貢呂金杜

楊應泰山東寧陽縣丞陞廣東平遠縣知縣

龐文鳳雒川縣訓導

王麟官臨潼縣訓導以憂歸值吳逆竊據漢南誘以官爵不受威以刀鋸弗屈康熙十八年復投郃陽縣教諭魏正昂江西泰和縣丞

張鵬翼中部縣訓導

胡春華白河縣訓導

王膏民 選拔

王濟民

閔克允

劉克篤

袁允昌

李繩方

袁聰

劉遐年

張文澳

王謙

石泉縣志

卷之三

選舉志

三

盧名芳 以上舊志所載

李謙

李廷蔚 訓導

李廷芳

劉芳遠

曾遇春

孟自超

吳廩 訓導

衛毓栢

權宏信 訓導

譚大時

王德榮 中部縣訓導

張振昔

龐爾郁

李牟善

李淳

蕭毓煥

郭春奎

賀德煥

譚大成

王有愷

焦均正

魏湛

蕭漢杰 訓導

張學孔 訓導

李國珍 教諭

孟爾進 訓導

王綬

李宏彥

易榮 以上府志所載

黃昌富

劉多才

漆大筆

李佩玉 兩當縣訓導

戴淑世

賀能銘

王汝翼 大荔縣訓導

陳忠榮

石泉縣志

卷之三

畧

嚴光前

劉多霞

劉搗謙

龐忠謙

焦世彥

鄭龍枝

王毓忠

周紹先

王興化

劉鳳超 以上續府志所載

麻芄 乾隆乙酉科拔貢靜寧州教諭

張廷楹 乾隆丁酉科拔貢由四庫館議敘選四川崇慶州

州同陞忠州知州

張廷珍 乾隆己酉科拔貢山東臨駒縣知縣

戴淑身 博學能文爲一時之望嘉慶元年舉孝廉方正三

年賊至柳溪與任清芳同懇濟南岸難民其好義急公類如是也

任清芳嘉慶三年賊焚至柳溪難民聚江南岸望救者千餘人時恒將軍帶兵守城禁渡船清芳約戴淑身面懇將軍以身家爲保渡將竟而賊已至岸矣

李 鏞嘉慶辛酉科拔貢

楊 瑗安化縣訓導

張振先前池河人端方質樸不尙浮華教生徒嚴而有法度卽改業或有過亦必訓責之故其徒皆凜凜然守張先生學規也嘗與李煜倡修文昌宮義學任中部縣訓導數年歸仍設教於鄉里

石泉縣志

卷之三

選舉志

五

鄧紹華宜君縣訓導

邱道南鄉飲大賓非公不至年七十猶日讀書焉任國樞鄉飲大賓

陸元泰

張 曙

吳世俊

邱景新

張 浩

王 瓌

呂道英

陳亮采

徐文偉

危仁壽

張新任

張文元

陳廷璉 以上續錄

呂道岸道光乙酉科拔貢

任 鼎道光丁酉科拔貢

張家駟道光巳酉科拔貢

按邑爲晉昌古郡雲山岌而高漢水洪且遠皆美秀也故士習雅馴良於他邑而科第寥寥非無聰明之士實少師友之資前經書院山長郭應軫善爲啓迪於是巳亥甲辰連登鄉書多士誠能專心致志勿荒於嬉勿詭於隨隆師親友謙冲爲懷博學力文始終不輟必能取科第作棟梁矣山川豈有不效其靈者哉

石泉縣志

卷之三

選舉志

四

由例貢而仕者孟連舉爲江西鹽課大使周紹禮城固訓導張天佑廣西縣丞其未仕者不載

武舉吳倬章乾隆甲寅科

李湧清乾隆乙卯科

郭元章嘉慶甲子科

張 舉嘉慶丁卯科

鄭勤業道光壬午科隨營効力補白土關把總

毛繼昌道光辛卯科

由軍功而仕者高連陞遊擊吳順都司曹名失都司曾名失守

備張永清千總揚 偉把總王萬清經制俱附錄焉

人物志第八

張峻蹟明季庠生值時亂避居山中讀書 本朝定鼎屢徵不出與冷之堯以詩相唱和康熙二十六年丁卯知縣潘瑞奇延修縣志其序云余生於明神宗戊申歲迄今八十年猶及見全盛之時遲十年而局又一變人日偷俗日侈服食日僭奢器皿日淫巧未嘗不料其盛極而將衰也又數年而羣兒嬉戲屈荆爲弓削竹爲箭裂衣爲旗壘石爲營競相角勝又默決其爲動兵之象也未幾秦寇倡亂而賊盜遍天下矣石當漢興往來必由之路蹂躪甚於他邑從前錦疆繡宇悉化爲頽壁焦窟可勝慨哉其志畧於石泉縣志

卷之三

人物志

七

記載而興亡感慨皆序類也有詩數卷號悲憤集

呂芝森前明典史呂和聲之孫和聲旣罷官家於石芝森年十四祖病篤服藥不效暗中割股煮羹以進祖病雖少愈而金瘡中風遂卒邑上狀各道院給金粟優恤其家王聘秉性和順母早世事父至孝父病之日親嘗糞以辨病症家貧父欲食羹聘割股以進及沒寢苦枕塊守墓三年舊志載之魯一子曰割股之事雖不足以化民成俗然芝森以幼童而愛祖聘以寒士而奉親其至性不可沒也詩曰孝子不匱永錫爾類身體毀傷類於何有願吾民取法乎孝之大者

查大學後柳溪人性至孝母九十有八凡飲食必親奉待
昆弟甚友愛雖老不少替之

戴兆璉邑庠生秉性正直樂行善事人有危急極力排解
前令屢旌獎之

段俊樂行善事常施棺掩骨前令給匾額獎之

沈燕桂後柳溪人乾隆壬午歲饑輸粟數十石以賑鄉人
王運來遇有險阻道路輒捐資修葺城東二里建石橋城
西珍珠河口建木橋利濟賴之

龐玉麟家素饒以孝友聞其修橋路善事每樂爲之

任景榮邑庠生素行端方家貧善醫窮民有疾病者施藥
石泉縣志

卷之三

人物志

吳

治之每夜於小巷點燈以照人行且防盜也
漆應位饒風人性醇良造橋修路人服其德

王廷權好葺修祠宇里人稱之

王加佐本城人有別墅在蒲溪河乾隆壬申歲歉出粟以
調近墅者又造渡船於南門外妻賀氏亦以賢聞

賈聰樂行善事其所居處橋梁道路嘗爲補修云

楊順德好善樂施舉鄉飲耆賓姪芝邑庠生克盡孝道前
令郭爲建旌善坊於通衢

姚思學常修道路造渡船周急濟危捨藥施棺年九十六
終子登銓克繼父志

任春芳邑庠生恂恂然儒者也性孝友嘉慶元年舉孝廉
方正道光六年復以孝舉居鄉授讀善爲開導多所成就
子國樞歲貢生亦恂恂儒者舊志無刻本國樞手錄成書
其近事亦多所採訪國樞之子鼎拔貢生工書能文爲蓋
鉅所器邑書香人家皆稱城南任氏云

彭昌孔孝廉齡父也性和平無急言遽色存心濟物漢水
之濱夏秋暴漲溺屍橫岸無主收埋者暴露慘目昌孔與
掩埋會籌畫經費施棺木置義地至今賴之

楊熾饒風廩生律身端莊不冠不見客早失怙恃事兄
克盡弟道凡戚族之貧不能葬不能婚嫁者皆以身任之

石泉縣志

卷之三

人物志

完

有睦婣任恤之風焉

李煜前池河庠生凡事循禮倡建文昌宮設義學以鼓
勵斯文爲任其里黨化之彬彬然稱禮義之鄉

張瑞明前雙嶂人治家嚴整其子弟爲耕爲讀各勤職業
遇他人子弟亦諄諄誨之

柯筠前柳溪武生公正無私爲鄉里所服凡爭是非者
得其一言而各散其排難解紛類如此

鄭繼周邑廩生居於馬嶺嘉慶三年捐資修寨團義勇賊
匪張漢潮至繼周領勇截堵獲賊劉之韜等七名以軍功
議敘正八品同時有廩貢李鏞增生張天相武生柯顯光

寨總韓清順民壯楊喜俱有軍功

劉德富農家也有子三孫十一曾孫三元孫二凡五世同堂德富年九十餘猶日抱甕灌田其漢陰丈人之流歟

王國相兩河人年八十六歲妻程氏年八十歲子五人孫二十人曾孫九人男婦共七十人同爨家計井井然問所業曰業農始佃地而種今有地百畝專務棉棉爲利微而長有綿綿之致一歲中無虛日亦無閒人皆事是事其爲耕爲種爲耘爲耨皆男事也爲紉爲彈爲紡爲織皆女事也至收歛之際男女同作有擔者有饁者幼孩絜筐使之拾遺絮而吾夫婦扶杖依門閭勗之以勤且種棉

石泉縣志

卷之三

人物志

五

之地圍以包穀間以芝麻菜蔬合地無遺利而食亦有賴其不足者以布易之食指雖繁無豐歉而皆能取給他人不然父子兄弟輒異爨凡事皆委之塘匠故不吾若也

烈十舒士林饒風人嘉慶三年三月遇賊阮正通被擄脅降士林曰我良家子豈肯從爾逆天賊子惜官兵未到不及見爾逆賊橫尸也賊黨怒割舌剜目然後殺之

李思珍亦饒風人嘉慶四年二月遇賊張漢潮令數賊曳之赴營思珍不從力與相持忽拾得鐵火鉗持以擊賊皆負痛去旋被羣賊追圍知不能脫揮鉗厲聲大罵賊以鎗擊殺之

李郁邑庠生嘉慶五年四月遇賊阮正逼至持刀迎殺數賊賊黨千餘人圍縛之壯其勇可爲羽翼迫之從郁厲聲罵曰爾等逆天罪不容誅我身烈士林肯從爾賊哉賊怒刺其兩腓復以糞漬油裹而焚之郁至死罵不絕口

義勇有黃金亨黃富學等十七名嘉慶七年正月在蒲溪河打仗陣亡又有劉榮鄧萬青李大廣冷玉清隨營打仗陣亡

以上俱嘉慶十五年郡守葉公錄其事附祀昭忠祠以下則道光二十九年知縣舒鈞續報者

義士有後柳溪庠生楊琛熨斗壩廩生蕭毓炎年俱七十石泉縣志

卷之三

人物志

至

嘉慶五年閩賊至居民盡避獨衣冠危坐曰賊亦人耳何至冥頑不靈惜無人愷切曉諭之者我當身任焉賊至乃指陳順逆剖晰禍福情詞慷慨不聽則怒而罵賊曰愚哉此措大也乃殺之

義民有本城人李春發雙嶂人韓文剛中池河人楊東雲楊東華楊東富楊瓜子兩河人段應書李進文李品重劉大龍等皆憤激賊匪蹂躪私相議曰山內險要一夫當之萬夫難越官兵不諳地利故滋蔓至此吾輩土人何不各據險殺賊乎乃伏於崎嶇要路待其至而殺之殺賊甚衆而被害較慘至楊瓜子以十五歲童子能執干戈以衛地

方仿之魯有汪錡何多讓焉亦可無殤也已

節婦明王氏舉人安汝翼妻性莊嚴不事色笑夫沒斷親故往來嚴婢僕出入守志三十餘年事聞旌表

周氏舉人魏人仰妻仰年十九舉於鄉氏相敬如賓及仰歿守身課子足不踰閭人罕見其影聞其聲者數十年院道旌其門

烈婦不知其姓氏崇正丙子五月初二日賊陷城南門外積草中藏一少婦年未二十賊數人取草見婦豔欲驅之入城烈婦踴罵不止賊脅以刃仍詈罵如故復慰諭而撫之罵愈厲賊乃斷臂抉舌迫之江干一躍而入觀者無不墮淚

石泉縣志

卷之三

人物志

五

國朝任氏生員胡江之妻年二十七而寡家貧守節撫子成立前令吳承伯題其門曰巾幗丈夫

楊氏戴兆珩之妻前任典史戴君璋之姪媳家於石珩歿時氏年二十七歲家貧紡織貞節不移歲貢淑世淑身庠生淑德皆其孫也

周氏汎兵黃廷獻之妻

李氏生員譚恪聖之妻守節時年二十歲卒年九十一

張氏耿煥彩之妻夫沒時年二十四歲誓不改節

辜氏馬嶺任立朝之妻

袁氏後柳溪孟居齊妻

楊氏後柳溪王繼業妻

杜氏胡中禮之妻

戴氏庠生王國正妻矢志守節卒年九十餘

焦氏劉芳泰妻夫沒時年二十五歲

楊氏周三倫妻家貧有勸其改適者氏以死爲誓

許氏前池河楊國先妻守節五十餘年未曾出戶

姜氏陳清裔妻年二十四而寡斷髮自誓卒完其節其父母亦不能奪之

李氏前池河鄧彩先妻年二十八而寡子幼孤無所依氏

石泉縣志

卷之三

人物志

三

持操嚴謹治家勤能有餘則捐資造橋樂爲善事其縣東四十里鄧家橋息肩亭皆乾隆乙亥歲所建也

楊氏前池河賈燕妻夫沒時年二十五歲

劉氏傅景運妻

余氏王昌基妻夫亡時祖翁八十餘歲而翁年亦高氏苦節自持奉養無失人皆難之

陳氏庠生吳士彥之妻守節時年二十四歲

程女中池河山父溝人幼許呂姓子及長龔而啞母以婿愚欲易配女固不從遂縊而死時年十五歲也

以上二十二入見於郡志其餘前蒙旌表而唐長英

以下三人則道光二十八年續請 旌者

蕭氏監生周運昌之妻

懷氏吳攀榮之妻年二十二歲而寡姑老子幼氏貞靜自守不出戶庭其媳李氏亦早寡克守遺風云

衛氏朱應寶之妻

馮氏鄆起鳳之妻

張氏江桂之妻父景道博學工詩著有蒼梧亭詩稿氏八歲卽能成誦因教以內則烈女傳年十八歸儒童江桂二十四歲而寡守節循禮嘗書禮門分內外義路別親疏二語於堂其家規一以古人爲法云

石泉縣志

卷之三

人物志

五

任氏韓琳之妻

陳氏高國珍之妻

鄭氏陳正坤之妻守節時年一十九歲

劉氏鄒成文之妻

石氏張 愉之妻

張氏陳曦洪之妻

甘氏張文德之妻

劉氏李大士之妻

吳氏趙作蘊之妻

周氏樂明盛之妻守節時年二十一歲

胡氏袁文連之妻

戴氏監生柯耀根之妻

張氏王立興之妻

閔氏朱應烈之妻

黃氏夏懋松之妻

施氏余世祿之妻以孝婦請旌

劉氏張廷瑜之妻

祝氏劉定榜之妻年十九而寡栢舟自誓撫姪爲子

劉氏張之楨之妻

夏氏饒風人劉永泰之妻年二十七而寡其子文秀邑庠

右泉縣志

卷之三

人物志

妻

生嘗令讀蠶桑須知書聚婦女而聽之故其家事蠶桑春
飼夏繅秋冬絡緯而織繼之以夜語子婦曰婦人不事婦
功徒工言容無足取且逸則思淫勞則思善古人訓誡如
此何可忽也

楊氏毛登山之妻

烈婦張熊氏太平里張復興之妻嘉慶五年正月賊張漢
潮至迫之從氏罵曰爾等叛賊天理不容官兵至死無日
矣我良家婦女情甘死爾刀下賊怒以長矛刺其腮頰腕
脇倒地頰破不能語猶喃喃唾之十五年郡守葉公錄其
事附祀節義祠

樊趙氏洪家寨民婦十一年五郎關賊破寨見氏美欲污之氏大罵力拒完節而死

烈女唐長英池河女子年十七嘉慶五年遇賊賊欲污之不屈而死其父唐大貴母李氏亦罵賊被害

熊女兩河段雙武之童養妻也年十七與唐長英事同亦在嘉慶五年

史事節錄

左傳楚子乘驛會師於臨品分爲二隊子越自石溪子貝自何以伐庸秦人巴人從楚師遂滅庸

梁書蘭欽傳蘭欽大通時都督衡州三郡兵會衡州刺史元慶和爲桂陽人嚴容所圍遣使告急破容羅溪於是長樂諸洞一時平蕩

宋史王彥傳紹興三年二月兀朮入侵召彥與吳玠劉子羽會於興元撒離喝自上津疾馳不一日至洵陽統制郭進死之彥退保石泉縣

吳玠傳紹興二年張浚承制拜吳玠鎮西軍節度使兼宣

石泉縣志

卷之四

史事

七

司都統制節制興文龍三州金人窺蜀懼玠振其衝不得逞將出奇取之以叛將李彥琪駐秦州峴仙人關以縱玠命游騎出熙河綴關師古撒離喝自商於直擣上津三年正月取金州二月長驅趨洋漢劉子羽以驛書招玠於河池玠日夜馳二百里以黃柑遺敵曰大軍遠來聊以止渴撒離喝大驚以杖投地曰爾來何速耶金人始謀玠在西邊故蹈險東來不虞玠馳至遂大戰於饒風嶺金兵被重鎧登山仰攻一人先登二人擁後先者死則後者代玠以大石推壓弓弩亂發如是六晝夜死者山積而敵不退復募敢死士五千將來攻會小校得罪導以間路攻關背乘

高以窺饒風諸軍不支遂潰玠退保西鄉縣金人雖入三郡然亦得不償失未幾北歸

劉甲傳劉甲自知廬州移興元府利東安撫使未幾金自鵲嶺關進屯八里山甲分兵進守諸關截潼川戍兵駐饒風以待之金知有備引去

元史察罕帖木兒傳至正十一年紅巾賊劉福通作亂所過殘破不數月江淮諸郡皆陷十七年福通遣其黨李武陷商州由武關徑趨長安至灊上分掠同華諸州三輔震動陝西省臺告急察罕卽提兵入潼關長驅而前與賊遇戰輒勝賊黨皆散潰走南山

石泉縣志

卷之四

史事

五

明史太祖紀洪武元年正月庚子鄧愈爲征戍將軍略南陽以北州郡三年始置縣

洪鐘傳正德五年湖廣歲饑盜起命洪鐘以本官總制軍務陝西河南四川亦隸焉時保寧賊藍廷瑞自稱順天王鄢本恕自稱刮地王其黨廖惠稱掃地王衆十萬餘置四十八總管延蔓陝西湖廣之境鐘乃檄陝西湖廣河南兵分道進湖廣兵先追及於陝西石泉廷瑞走漢中

明史畧崇正元年冬十一月漢南賊四百餘人自汧陽兩當薄畧陽引土賊三千餘人入畧陽漢中等處白水賊會山西逃兵掠蒲城韓城之孝童淄川鎮時承平人猝被兵

人無固志陝西巡撫胡廷宴惡聞盜警杖報者曰此饑民也掠至明春後自安定耳於是各縣不敢復以盜聞盜偵知之益恣

按此實爲流賊貽禍之端而邑之所以數被兵也故錄之

陳奇瑜傳崇正六年擢奇瑜兵部右侍郎兼右簽都御史總督陝西山西河南湖廣四川軍務專辦流賊於是賊在平利洵陽者數萬自四川入西鄉者二三萬犯城固洋縣者又東下石泉漢陰會漢興與窺商雒乃遣遊擊唐通防漢中護藩封遣泰將賀人龍劉遷夏鎬振畧陽沔縣防賊西

石泉縣志

卷之四

史事

堯

遁遣副將楊正芳余世任振褒城防賊北遁自督副將楊化麟柳國鎮等駐洋縣防賊東遁又檄練國事盧象昇元默各守要害截賊奔逃賊見官軍肆集大懼悉遁入興安之車廂峽諸渠魁李自成張獻忠等咸在焉峽四山巉立中亘四十里易入難出賊誤入其中山上居民下石擊或投以炬火山口紮石塞路絕無所得食困甚又大雨二旬弓矢盡脫馬乏芻死者過半當是時官軍蹙之可盡殲自成等見勢絀從其黨顧君恩謀以重寶賄奇瑜左右及諸將帥僞請降奇瑜無大計遽許之先後籍三萬六千餘人悉勞遣歸農每百人以安撫官一護之檄所過州縣具糗

糧傳送諸將無邀撓撫事諸賊未大創降非實也既出棧道遂不受約束盡殺安撫官五千餘人攻掠諸州縣關中大震

紀事本末崇正八年十二月漢中羣賊會於漢南雅黎泰將羅于萃連擊敗之窮追子午谷奪所掠子女二千口賊犇饒風關九年三月賊闖王蝎子塊自興安入漢中是年城陷紳士孫魯死之十年獨行狼在漢南民皆倚擔而立

按當時又有賀珍劉二虎嘯聚興安胡向宸盤踞蕎麥山孫守法盤踞藥箭寨米國珍盤踞漫營山寨邑密邇強賊以故數被蹂躪順治三年總督孟喬芳遣任珍陳

石泉縣志

卷之四

史事

本

德等討平之十年復遣興漢總兵趙光瑞擒孫守金於

紫陽洞山於是逆賊叛孽以次削平邑民始得復業矣

通志哈占康熙十二年以工部侍郎出督川陝值吳逆倡

亂十四年正月興安逆擊王可成殺總兵王懷忠以應十八年夏五月賊將王屏藩據漢中冬十月大兵三路進取

漢興奮威將軍王進寶出寶雞振武將軍鄂克濟哈勇畧將軍趙良棟出畧陽占與撫遠大將軍圖海出大泥峪遂進駐舊縣關以待濟師會牒報進寶兵已克武關占謀於大將軍曰武關已拔中路兵可直搗漢中漢中若下興安諸處可傳檄而定也何老師爲哉遂鼓行至鎮安復進攻

兩河關克之長驅搗興安抵漢中與進寶兵會明年大兵分道入蜀

通志偏圖康熙十五年十月大將軍給圖總兵官劄令其規取興安賊將楊文瑞領眾三千餘在鎮安關大將軍以舊縣關地險要且當賊衝復檄圖領兵即在關駐劄防禦十七年大兵由關山入圖為軍鋒至小嶺與賊戰圖奮勇陷陣奪其三營遂復香泉等處十八年十月大將軍令圖攻取興安至兩河關賊阻河結營自固圖出其不意策馬徑渡連破其七營斬獲無算賊眾一時解散賊將韓晉卿望風遁走遂復興安並收取漢陰石泉

石泉縣志

卷之四

史事

七

按邑從十四年為叛逆所脅至是五年矣

賦役全書順治七年豁免有主荒地八年豁免無主荒地

實應免糧一百八十石三斗四升零康熙八年豁免荒地二十三年再經

豁免四十石一斗零順治七年豁免逃丁康熙八年及

二十三年豁免絕丁共一萬一千一百四十六丁雍正五

年以丁銀攤入地糧內徵解

謹按我朝深仁厚澤史不勝書疆域廓清以來民安

樂土而輕徭薄賦尤為休養生息之大端故繼前事而

恭錄焉

平定教匪紀事乾隆六十年冬白蓮教匪首逆劉之協合

其黨於湖北河南陝西四川等州縣往來煽惑嘉慶元年九月四川奸民因之以作亂

按賊匪之始不過數十人或數百人當事者失於機宜於是股頭蜂起有青號有黃號有白號有藍號有月蓋號由川而漸入楚陝其擾我石邑也嘉慶三年以後無歲下來無鄉不到幸城內駐兵設局恒維軍營在先農壇故近郊未被蹂躪五年五月經畧額侯統大兵追勦於三官廟又至銀杏壩又至兩河十一月十八日大軍駐縣城十九日赴銀杏壩二十日赴兩河住四日搜勦六年四月軍於魚壩與楊提督合營七年正月二十日戰於饒風

石泉縣志

卷之四

史事

三

二十一日追及池河從此賊復入川而是年十二月紅旗報捷矣然零匪延蔓老林尙復二三載

續府志十一年七月八日寧陝兵譁有從逆者陝安總鎮王兆夢聞之率兵駐於石泉而單騎往安輯其不甘從逆之衆既撫定聞叛匪已破洋縣卽率師會撫提於城固旣而知兇黨畏兵力之厚且將避鋒而東犯八月六日率師登舟晡時遂至石泉城中士民果以無兵空城渡水避於南山矣卽以載兵之舟宵濟逃者俾返其居增埤築壘越二日而賊已蜂至憑城邀擊矢石迸發賊救死扶傷不給因復西竄

附錄岳震川舍人王鎮臺石泉戰功記嘉慶十一年七月八日寧陝兵變興安鎮將王公提兵赴漢中會道將郡將議遏賊勢方中丞檄公至城固付興安一部捍禦當是時積雨陰霾漢江日夜漲湧公提兵至環珠廟登舟將入峽岸上人皆爲公危公持五十金畀篙工曰以賞汝少逡巡卽以軍法斬汝首篙工方四顧喑噓慘無人色士卒已鳴榔持篙踏入中流半日抵石泉城下是爲八月六日亭午石泉民皆倉皇避賊扶攜老幼入山城內外寂然署縣令陳澍循行近郊望大兵至見公營隊恃以無恐公周視城垣卑庠北尤甚毀附城高屋速增北城數尺以大義激獎兵弁人皆感憤越二日午刻賊千餘營列十五里外丙夜突逼城下縱焚東西關攻城甚急呼聲震屋瓦城中應以整暇大石無虛發發必穿胸洞脇賊焚東門千總鄭富德連擲大石斃二賊豪焚西門遊擊齊慎都司馬金龍撒灰擲大石斃賊豪五人東西兩門旣不可焚而入北城卑賊齊力致死期必破公度其必萃此也自當之滿貯巨礮二十善鳥鎗五十人相機指嗾雷轟霆擊骨斷肉飛黎明賊勢大鄰公命梟二賊首山巔示民客無恐卽率兵弁數十人出城搜賊且省東西關焚掠之難先是八月朔日賊破洋城

未折一矢未頓一刃城固屯重兵弗可撓惟謀東行石
泉興安西境之障蔽也倖勝卽狡逞弗可遏公乃早抵
石泉修戰守之具甚備終夜死攻弗能破營城外數日
焚尸扶傷遁去月餘寧陝平

事宜附錄

凡人家道之昌端由和睦一家之中有耕有讀有商各執一業乃能相與有成今邑中無不分家之弟兄甚至父子異爨母子異爨而俗亦澆漓故欲厚風俗先從明人倫始人倫明則相親而家道亦從此昌熾

邑中士習安靜良於他邑但入學以後饒士則明窗虛設日事宴遊寒士則蒙館坐談消磨歲月相沿如此皆由不知振作昔孫魯家貧讀書其父傭工以給載之縣志凡爲士者俱當以是爲勵爲父兄者尤當以是自勉也

邑中婦女執爨而外不事女工間習挑花巾帶務爲無益

石泉縣志

卷之四

事宜

七

以誇精巧紡織之事亟宜講習蓋婦德不外於婦功成家必由於內助如果婦女能勤織紡衣夫衣子儘可濟農不足而杼家道窘迫之憂况貧婦孀居有此手段能以自謀衣食撫子守貞完節操而存廉恥其於風化所關更非淺也

積穀爲備荒要務而民間積穀甚屬寥寥或以爲包穀不堪入貯或以爲地氣濕潮其實皆積習使然耳蓋漢南當鼎革之際民皆倚擔而立如是者五十餘年其後開荒種地多屬寄籍各存首邱之念誰爲旨蓄之謀每屆秋成煮酒喂猪恣爲醉飽以至粒米狼戾而不爲恤今旣歷數紀

習俗依然故富者少富而能長者更少關中之習不然安
土重遷貴農上粟雖遇荒歉人賴積穀而不至流亡其所
由來者漸也

三農生九穀山內不然乾隆三十年以前秋收以粟穀爲
大莊與山外無異其後川楚人多徧山漫谷皆包穀矣粟
利雖不如包穀然耐於久貯周家稼穡開基稷以名官最
爲長久陝西人猶守此風故能厚實居陝土者宜從陝俗
也

高山峻嶺雖不可播種五穀未始不可栽植樹木就所宜
之木隨處種植加意培養如漆如桑如竹如花栗皆能取
石泉縣志 卷之四 事宜 奕
利卽橘柑棗梨省垣每來販運亦非無益之物但十年種
樹其利不在目前定難責之棚民佃戶是在山主之能爲
遠圖也

保甲乃弭盜良法洵爲南山要務然因時因地貴擇要而
行無庸拘守成規蓋棚民本無定居今年在此明年在彼
甚至一歲之中遷徙數地卽土著亦零星散處非望衡瞻
宇比鄰而居也保正甲長相距恒數里數十里詎能朝夕
稽查故按季造冊每月查牌徒滋紛擾一家匪匪鄰家受
責更屬支離此民間所以苦其難行今惟每鄉舉公正紳
士二人以爲總管而花戶則各隸於取租招佃之主家以

主人查佃戶則耳日易周以佃戶助主人而守望更切
謂就勢而聯順情而伍者此也至於城關市鎮仍照常編
查每歲一次四鄉亦各一次

客店之循環簿亦保甲之一法城關應呈署查閱市鎮則
責成鄉保客頭就近稽查蓋流民入山多寄宿林巖匪徒
則山徑取捷均不在客店安歇所謂客店不過貿易小販
而已各鎮距治恒數十里或百里如客店必照例造報月
一陳核則僕僕道途不勝其苦矣

吸食鴉片爲近來大害瘠苦之區雖少此風但邑爲川楚
通衢往來行人良莠不一雖經隨時稽查而本地之人抑
石泉縣志

卷之四

事宜

七

何道而能以不染此種惡習也

山中地雖荒涼賭局絕大以木椀彈錢作寶徃徃數十數
百爲輸贏之注有中入產業一二日而蕩然罄盡者故禁
賭爲保富之大端禁賭之事官禁不如私禁官禁不過街
面若過事搜剔易滋事端私禁清其本源將習慣成風悉
成善類父誡其子兄勉其弟子弟不習賭博可以守家可
以修業是在各鄉總管紳士同保甲而隨時申誡也

聽訟雖非致治之源而閭閻受累莫甚於此差役手奉一
票視爲奇貨可居距縣窩遠者徃徃將所喚之人羈押中
途客店店主串通一氣彼此分肥爲之關說所欲旣遂則

回稟未票之先已往鄰省索詐未遂或更有株害之人則云喚至中途被某某等搶回稟請加籤及喚至城中又羈之保戶延不送審希圖坐食兩造飯錢至命案之鄰証盜案之開花尤關緊要易滋事端所貴嚴勒限期計日審結庶案無留牘獄無繫民矣

山中鄉約較山外爲重須擇公正人充當鄉間有事先投鄉約講理得其一言剖決是非省得進城興訟廢時業花盤纏卽間有因講理糜費或講處未公反滋訟端者但相沿已凡事屬便民未可概以武斷鄉曲論

各鄉無大集場籤匪亦少惟梅湖熨斗壩逼近川邊兩河石泉縣志

卷之四

事宜

矣

爲三縣交界去城窻遠籤匪出沒間或有之故防查宜嚴至行乞窮民偶然鼠竊隨事究懲不得以籤匪概論

起贓之事殊難兩全無論差役索詐在所不免而失物之家雖幸復還原物亦得不償失買物之家究竟捨去現錢又平白受災卽照例追給而此輩入手花消從何賠出且從無有產業而作賊者夜不閉戶路不拾遺抑何道而有此淳風也

開山種地良民儘多村落絕少不過就所種之地架棚築屋零星散處所稱地鄰往往隔絕數里匪徒偶來借宿勢難拒絕間或寄頓贓物一經犯案不能不受拖累窩賊之

中亦須原情

山內各色痞徒閑遊城市者統謂之閑打浪此輩所得銀錢隨手花消遇囑匪則相從劫掠值兵役則相幫搜捕往徃幫人作工乘間捲竊衣物不事生業總非善類能令地無遊民則盜賊斯弭矣

石泉縣志

卷之四

六

勸民廣興織紡論

照得衣食爲生民之命男耕婦織共勤工作則饑寒無虞從前葉中丞爲興安知府嘗勸民種桑刊有蚕桑須知從此邑中有栽桑飼蚕者但所出無多其利未廣本縣因思棉絮棉布爲民間常服較絲紬尤爲緊要兩河池河多種之他鄉亦宜興種種棉旣多宜工紡織查作布並非難事婦女以彈就熟花紡作線条漿晒之後以椀床紗馬約出機上其布面不可過寬寬則裁衣剩餘究屬無益大率以一尺二寸爲度計由紡而織勤能婦女五六日可成一匹需花不上二筋每筋價錢準以二百成布一疋精細者便

石泉縣

告示

一

值錢七八百南方人稠地密村村如此捺作所以不憂饑寒本縣欲爲吾民衣食計莫如廣興此利夫婦德不外婦功成家由於內助如果婦女能勤紡織衣夫衣子儘可濟農不足而紓家道窘迫之憂况夫貧婦孀居有此手段自謀衣食可無招夫養子矣存廉恥而完貞捺其於風化所關更非淺也願吾民各爲講習之此論

勸民預謀蓋藏論

照得南山地方五種皆宜民間謀食較山外爲易然偶值歲歉戶嘆阻饑其鵠面鳩形流離遷徙較山外更甚良由山外糧貴民知積貯山內糧賤人不蓋藏也前經道憲嚴

公示以預蓋藏以備凶荒爲民計者至深且遠乃狃於習俗仍然積貯無聞道光十二三年連歲歉收爾等備嘗艱苦能無悔於心乎查向俗平壩之人每秋收有慶將家中麥豆稻穀盡行出糶山居之人貪包穀利厚徧山均種包穀包穀至春夏必要翻青剩存不論多少取以燒酒喂猪是以秋收之時滿場堆積至青黃不接徃徃十室九空天道有豐有歉決無歲歲豐登之理一遇旱潦難免枵腹本縣爲吾民思患預防因就禾稼登場之際先爲申誡爾等居平地者麥豆稻穀不可傾倉全賣種山地者於包穀外兼種粟穀黃豆番薯之類包穀供一年餽粥其餘晒乾蓋石泉縣

告示

二

藏愈多愈好卽極不濟亦須餘得一年糧食但窮民佃種無多何暇慮及此事凡屬紳耆糧戶曉事明理詎無計深慮遠之心每歲有餘先當預謀蓋藏以爲荒歉備倡率齊民可也此諭

勸民崇儉諭

照得勤儉爲治家之道農民發憤去作田地厚加糞多鋤草可多收糧食但不樽節一年辛苦幾日都可花消石邑民風好飲酒食肉家家詎有現錢餘賬居多糧食出來都被舖戶賤價算去吃少費多便是打算差處士庶人家只要粗茶淡飯過時節宴賓客都可就地方的菜蔬做得

精潔便可待客何必海味如此則飲食儉矣石邑近來衣服頗奢華不思穿一件華美衣服要花幾十石糧食何不將此錢去作棉布衣幾十件穿得半世士庶人家只是粗布衣服潔潔淨淨便足觀瞻如此則衣服儉矣至於住的房屋山內却不講究此却須要堅固爲長久之計但不可丹漆雕刻使的器具只要完全不必奇巧精緻遇有父母亡故以哀痛爲主不必延僧道揚旛作齋以及婚嫁之事都只可稱家有無查邑中風俗此時尙可以挽回本縣所言爾等及早勉力至子弟習於賭博染於鴉片未有不敗家蕩產者總由不知儉省有以啓其邪心合行出示曉諭

石泉縣

告示

三

爲此示仰紳耆鄉地人等知悉勤儉二字真是傳家之寶父教其子兄勉其弟夫勗其婦朋友親戚共相告誡都成一個敦龐風俗則漢南亦可復二南之盛也此諭

勸民切勿輕生告示

爲勸民切勿輕生以至生命事照得蠱蟻尙且貪生何況於人人身難得死者不可復生若死後經官相驗便永遠不得超生實在可憐南山愚夫愚婦徃徃因親鄰些小事故或婦女偶然受責遽爾尋死或吊頸或投水或自戕一念之差片時畢命在死的人心裏妄想我只拚了一條命便可以害他受罪至少也叫他破財俗謂之討風光却要

曉得自己尋死謂之輕生律例內並無抵命之條連板子都不打的何能害人受罪若屍親多事地方官照例治他的罪重則流徙輕則枷杖或是子孫慙息祖父母父母與人種命便坐子孫以逆倫之罪這等看來那死的人豈不是白送了性命本縣到任年餘地方尚屬安靜間有輕生之事固由百姓之愚亦因本縣之失教悽惻之餘又增慚恻合亟勸諭爲此示仰百姓們知悉你們總要忍氣能忍氣便是有福的人自後你心裏但有氣忿不甘的事只要忍耐半個時辰要緊緊記得本縣的話切不可尋死輕生白白死了沒有一點好處卽或受傷些微醫治得生到後

石泉縣

告示

四

來你在別處或聽說當日曾與人種過命亦是憾事真不值得因將例文開後愿爾等互相勸誡同登壽域永樂昇平庶不負本縣愛你勸你一片苦心毋違特示

今將律例三條開後

一例載自盡之案如刁悍之徒藉命打搶照白晝搶奪例擬罪仍追搶毀物件給還原主

一例載自盡之案屍親混行吵鬧毆打勒措行詐者杖一百枷號兩個月

一例載諸人白縊溺水身死別無他故親屬情愿安葬者官司詳審明白准告免驗

務望紳耆及讀書明理之人遇鄰里中有氣忿想去尋死的立即苦口苦心將本縣此番勸諭告示向他勸解勸得一人便是救活一命積善之家必有餘慶德孚桑梓澤及兒孫天保佑爾理固足據也特諭

勸諭書吏告示

爲曉諭書吏守法行善事照得各衙門設立書吏佐助本官分辦公事期滿之日例准考職授官理宜守法本縣以爲公門中好修行爲書吏者不但守法兼可積德若果能隨事隨時留心行善必有好報是以本縣於書吏遇有無心過失多從寬宥原以書吏雖係在官人役究有體面養

石泉縣

告示

五

爾等之廉耻卽以激發爾等之天良也從前吏員亦是仕宦一途今雖出仕頗難然積善之人必有餘慶其子孫發達者不少若不肯行善又復行惡卽使獲免王章斷不能倖逃陰譴報應之機公門尤捷良可畏也爲此示仰各房知悉爾等務將後開各條凜凜奉行便是行善各宜自愛毋以本縣之言爲迂濶也

計開

一該房親族有田土錢債婚姻及一切細故可以調處者急宜勸令和息不許倚恃身在衙門唆令興訟
一不許唆令人犯妄板以致開花搭橋拖累多人

一訊明釋放人証不許私押若差役有私押情事亦責成該房稽查密稟

一出票喚人最宜慎重語云一人到官一家不安嗣後差票內不許妄寫拘字及濫寫鎖拏二字

一案內有押候人証亟應稟催速審如本縣別有公事偶爾遺忘准每日催稟一次

一案內緊要人証已到一二可以審訊者立即送審不得以人証尙未齊全延不稟請致滋拖累

一詞內及供內情節牽涉閨闈婦女或事屬曖昧准爾回明摘刪不許徑行列名送簽

石泉縣

告示

六

一叙供不許增刪情節其有語太支離本應節刪者回明定奪

一禁押枷號各犯時加照料大寒大暑尤宜加意

一舊有陋規如紙張飯食之類以資辦公在所不禁但不許額外多索

以上十條各宜凜遵違者決不寬宥特示

嚴禁差役告示

爲嚴禁索詐事照得縣設衙役以供差遣壯班任操練快班事緝捕皂班司刑杖其一切詞訟事件則壯快兩班承辦此其例也石邑向規兩班輪流當月其班值月則諸事

悉差某班下班者遂至閒散無從約束殊非事體爾等上班之人固須敬慎從事下班者尚有承緝案件詞訟未結事件亦須勤謹趨公不得輒以身非當月推諉本縣蒞任年餘查爾等頭役尙屬奉法間有不法之徒隨時究懲從無寬貸此人人所共見者惟爾等承票積習至今未改一票到手拖延多日希圖坐食兩造口岸其實錢被飯店賺去釀出事端爾等受罪亦何利而爲之至承票緝賊往往捉影捕風到處嚇詐甚則正賊不緝將曾經犯竊旋即改悔之人捉得一二人羈押飯店教令誣扳某人接買贓物某人知情同夥遂至一案輾轉波連十數人層層剝削實堪憫惻本縣在甘肅也是百姓設身處地何能堪此今躬膺民社官稱父母若明知其弊而不爲痛革是本縣縱靈殃民亦卽民之賊也除逐案嚴懲外合行列款出示嚴禁爲此示仰兩班人役知悉爾等各宜痛改前非並責成該班總管隨時稽查如有在外滋事不守班規者立即稟究倘敢徇隱事發之日一體責懲各宜凜遵毋違特示

計開

一差役到鄉將被証傳齊不得羈押中途飯店多食口岸
傳至城中不得私行管押三日內卽行送審如違重究
一捕役到鄉不得妄拏無辜亦不得私行起贓如違重究

石泉縣

告示

七

一捕役及一切差役到鄉承票喚人所喚之人雖係票內有名但姓名之旁並未硃標鎖字而該差竟敢私行鎖押索得錢物始行開放者被害之人到案供出除重懲外定追贓給領

以上三條本縣爲吾民革除蠹害亦爲爾等保全身家蓋爾等得受草鞋飯錢原不能一概禁止若過事磕索釀出事端計贓論罪法所不容况被上憲差提卽以爾等虐鄉民之法施於爾等亦得不償失本縣前在平利郿縣臨潼皆如此約束故能平安無事當時或以爲過嚴及本縣去後該役等因事到省有感

石泉縣

告示

八

激流滂者一片苦心愿爾等共遵之